



Broj: T18 0 KT 0018649 26
Brčko: 03.06.2026. godine

Optužnica potvrđena dana 04.06.2026.godine

Na osnovu člana 35. stav (2) tačka h) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

A. S., rođena 2002. godine u Brčkom,

Što je:

Dana 30.06.2025. godine, oko 08,00 sati u Brčkom, upravljajući putničkim motornim vozilom marke „Peugeot“, registarskih oznaka ...-.-..., kretala se ulicom Reisa Džemaludina Čauševića, iz pravca kružnog toka „Bolnica“ prema centru grada, pa iako svjesna da zbog njenog postupanja može doći do saobraćajne nezgode, ali je olako držala da ona neće nastupiti, suprotno odredbi člana 111 stav (3) Zakona o osnovama bezbjednosti saobraćaja na putevima u Bosni i Hercegovini, dolaskom do raskrsnice navedene ulice, sa ulicom Dražena Petrovića, započela radnju skretanja udesno u pomenutu ulicu, a da prethodno nije zaustavila svoje vozilo ispred obilježеног pješačkog prelaza kojim se već kretala pješak A. V. Š., prelazeći pješački prelaz s lijeva na desno, gledano iz smjera kretanja vozila, usljed čega je došlo do fizičkog kontakta prednje bočne desne strane vozila i vanjskog gornjeg dijela desne potkoljenice pješaka, kada A. zadobija tešku tjelesnu povredu u vidu preloma vanjskog kondila desne koljenične kosti, te rotacije njenog tijela oko uzdužne osovine uz vanjsku stranu vozila, kada zadobija tešku tjelesnu povredu u vidu preloma lijevog skočnog zgloba, nakon čega pada na tlo,

dakle, kao učesnik u saobraćaju na putevima koji se ne pridržava saobraćajnih propisa, iz nehata ugrozila javni saobraćaj i dovela u opasnost život ljudi, pa je zbog toga kod drugog nastupila teška tjelesna povreda

čime je počinila krivično djelo - Ugrožavanje javnog saobraćaja - iz člana 326 stav (3) u vezi sa stavom (1) Krivičnog zakona Brčko distrikta BiH.

**Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.**
